



JABATAN PERDANA MENTERI

MITRA

UNIT TRANSFORMASI MASYARAKAT INDIA MALAYSIA

**UNIT TRANSFORMASI MASYARAKAT INDIA MALAYSIA
JABATAN PERDANA MENTERI**

Aras 4, Setia Perkasa 5, Kompleks Setia Perkasa
Pusat Pentadbiran Kerajaan Persekutuan
62502, Wilayah Persekutuan Putrajaya, Malaysia
No. Tel: 03-8886 6221
E-mel: infomitra.jpm.gov.my

JPM.MITRA.100-9/1/1 (10)

**KENYATAAN MEDIA
PENGUMUMAN STATUS PROGRAM-PROGRAM
UNIT TRANSFORMASI MASYARAKAT INDIA MALAYSIA (MITRA)
JABATAN PERDANA MENTERI
TAHUN 2023**

PUTRAJAYA, 20 SEPTEMBER 2023 – Unit Transformasi Masyarakat India Malaysia (MITRA), Jabatan Perdana Menteri (JPM) mengeluarkan kenyataan media seperti berikut:

1. Berdasarkan perancangan program yang telah diumumkan sebelum ini adalah dimaklumkan RM100 juta telah dimanfaatkan sepenuhnya bagi tahun 2023. Sehingga 19 September 2023, MITRA telah menyalurkan dana bernilai RM39.6 juta meliputi program-program inisiatif seperti berikut:

- i. Subsidi Bantuan Pengajian Ijazah Sarjana Muda;
- ii. Program Subsidi Pendidikan Awal Tadika Swasta;
- iii. Program Bantuan Subsidi Dialisis;
- iv. Program Pembangunan Sosioekonomi Bersasar dengan Kerjasama 72 Pusat Khidmat Rakyat Ahli Parlimen;

- v. Program Teknikal *Drone Operations & Data Services* (DOD) dan *Electrified Automation Advancement Programme* (EAAP); dan
- vi. Program Bantuan Komputer Riba (*Refurbished*) Untuk Sekolah Jenis Kebangsaan Tamil (SJKT).

Manakala lain-lain bayaran untuk program inisiatif MITRA adalah dalam proses penyediaan dokumen penyaluran dana.

2. MITRA akan melaksanakan **Program Pembasmian Miskin Tegar MITRA untuk Ahli Isi Rumah (AIR) berbangsa India** yang akan dilaksanakan secara berfasa. Untuk pelaksanaan fasa pertama tahun 2023 tumpuan akan diberi kepada masyarakat India miskin tegar di Wilayah Persekutuan Kuala Lumpur. Seramai 1,800 ahli isi rumah telah dikenal pasti melalui sistem e-kasih Unit Penyelarasan Pelaksanaan (ICU) di mana pendapatan per kapita mereka adalah kurang dari RM339. Pendapatan per kapita tersebut perlu ditingkatkan untuk membantu ahli isi rumah tersebut keluar dari kategori miskin tegar. Bagi program tersebut sebanyak RM8.24 juta diperuntukkan. Program tersebut juga adalah selaras dengan arahan YAB Perdana Menteri untuk menoktahkan miskin tegar pada tahun ini.

3. MITRA akan melaksanakan **Program Pemerksaan Literasi Science, Technology, Engineering and Mathematics (STEM)** untuk murid SJKT. Program ini adalah secara kerjasama dengan Malaysian Biotechonolgy Information Centre (MABIC) dengan kos sebanyak RM698 ribu. Melalui program ini semua SJKT akan menerima *The Petri Dish* (Buletin Sains dalam Bahasa Tamil dan Bahasa Inggeris) sebanyak 11 terbitan setiap dua (2) bulan. Dua (2) pertandingan "*Who Wants To Be A*

Scientist” yang mensasarkan 1,000 murid-murid SJKT Darjah 4, 5 & 6 akan dianjurkan. Program ini adalah bersifat jangka panjang selama dua (2) tahun. Melalui pelaksanaan program tersebut MITRA menjangkakan pelajar-pelajar SJKT akan didedahkan dengan lebih banyak aktiviti yang berkaitan dengan STEM.

4. MITRA juga akan melaksanakan **Program Bantuan Perusahaan Mikro, Kecil dan Sederhana (PMKS) MITRA** untuk penjaja-penjaja kecil/ *homepreneurs* yang bertujuan untuk memberi bantuan peralatan atau perkakasan perniagaan. Seramai 1,000 penjaja/ *homepreneurs* yang berkeelayakan akan menerima bantuan peralatan bernilai tidak melebihi RM5,000. Anggaran kos untuk program tersebut adalah RM5 juta. Program tersebut akan dilaksanakan dengan kerjasama Dewan- Dewan Perniagaan diperingkat negeri.

5. MITRA sekali lagi memberi komitmen untuk memastikan aspirasi pembangunan sosioekonomi masyarakat India diberi keutamaan dan dana yang diperuntukkan digunakan secara berhemah dan telus dalam perbelanjaan.

YB. DATO' RAMANAN RAMAKRISHNAN
AHLI PARLIMEN SUNGAI BULOH MERANGKAP
PENGERUSI JAWATANKUASA PASUKAN PETUGAS KHAS (JPPK)
UNIT TRANSFORMASI MASYARAKAT INDIA MALAYSIA
JABATAN PERDANA MENTERI
20 SEPTEMBER 2023

-TAMAT-